

INUIT ATAQATIGIIT INATSIARTUNI



Aprilip 22 april 2026
Imm. 8/2026
Ane Hansen

Inatsisartut ilassutitut aningaasaliissutitut inatsisissaannut siunnersuut 2023. (Aningaasaqarnermut Akileraartarnermullu Naalakkersuisoq)

Oqaaseqaat:

2025-mut ilassutitut aningaasaliissutitut Inatsisartut inatsisissaannut siunnersuut pillugu Inuit Ataqatigiinnit ima oqaaseqarumavugut:

Inatsisissamut siunnersuutikkut erserpoq siunnersuutit Ukiumi aningaasanut inatsisip atuuffiani 2025-mi suliat 51-it 2025-mut aningaasaliissutitut tungaasigut kinguneqartut suliarineqarsut. Suliat 46-it Aningaasaqarnermut Ataatsimiititaliamut suliarineqartussanngorlugit nassiunneqarput, taakkunanga suliat 39-t Aningaasaqarnermut ataatsimiititaliamik akuersissutigineqarlutik, suliallu sisamat akuerineqaratik. Aamma suliat marluk Naalakkersuisunit aamma Inatsisartut Suleriaasiannut Ataatsimiititaliap (ISA) akuerineqarput. Tamatuma saniatigut, Inatsisartunut qinersisoqalerneq pissutigalugu, Aningaasaqarnermut Akileraartarnermullu Ataatsimiititaliap suliat sisamat suliarinneqarsimanatik. Tamatuma saniatigut suliaq ataaseq Inatsisartut Suleriaaseq pillugu Ataatsimiititaliaanit akuersissutigineqarpoq, suliallu arfineq marluk Naalakkersuisunit akuersissutigineqarlutik. Suliat pingasut inassutimi ilai Naalakkersuisunit ilaalu Aningaasaqarnermut Akileraartarnermullu Ataatsimiititaliamit akuersissutigineqartussaasut. Sulianit katillugit 44-usunit akuerineqartunit suliat 40-t missingersuutitut sunniuteqanngillat, sulialli sisamat IST-p inerneranut sunniuteqarlutik. 2025-mut Aningaasanut inatsit missingersuutaasut IST-mi amigartoorutit 122,1 mio. kr.-upput. Inatsisartut Aningaasaqarnermut Akileraartarnermullu Ataatsimiititaliaata aamma Inatsisartut Suleriaaseq pillugu Ataatsimiititaliaata (ISA) 2025-p ingerlanerani ilassutitut aningaasaliissutitut katillugit sisamat akueraat, taakkua IST-mi inernerit missingersuutaannut 4,3 mio. kr.-nik ajorseriartitsipput. Ilassutitut aningaasaliissutitut inatsisissatut siunnersuut taamaalilluni ukiumi Aningaasanut inatsiseqarfiusumut 2025-mut IST-mi 126,4 mio. kr.-nik amigartooruteqarfiuvoq. Nalunaarsuiffik 1-imi ataaniittumi suliat sisamat takussutissartaat takutinneqarpoq, taakkua IST-p inerneranut missingersuutaasunut allanngortitsisuupput.

Inuit Ataqatigiinni Ilassutissatut aningaasaliissutissatut qinnuteqaatit nassuarluarneqarsimasut tungavilersorluarneqarsimassulu akuersarpagut.

INUIT ATAQATIGIIT INATSIARTUNI



Aningaasanillu ilassutissanik atuinerit akuerineqartussatut inassutigalugit. Naalakkersuisut qutsavigaavut. Aningaasaqarnermut Akileraartarnermullu Ataatsimiititaliami suleqatitsinnut qujavugut inerititaqarluartumik suleqatigiinnermut.

Naggataatigut Inuit Ataqatigiinnit Naalakkeruisunut kaammattuuteqarumavugut ukiuni aggersuni nunarsuarmi eqqissiviilliornerup sunniutigisaanut aningaasaqarnikkut aqutsinermi aqutsilluaqqullugit, takusinnaavarput misigalugulu nioqqutissiat inuussutissat ingammilu sanartornermut atortussiaq atortussiat akimikkut qaffarujussuartut, taamammat mianersortumik aningaasaatitsinneq aqutsinissaq isumatusartumillu atunissaq tamattaalluta suleqatigiissutigisaraiqarparput